



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1000. Usque Ad Annum 1063

Fleury, Claude

August. Vind. [u.a.], 1761

VD18 90117956

§. 23. Concilium Bituricense.

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

Sæculum XI. Corpus Parisios delatum, & ad S. Dionysium sepultum sine omni cultu aut Epitaphio. Nam effigies lapidea, quæ hodie ibi visitur, post plura exinde elapsa sæcula apposta est. Henricus Roberti filius ante quadriennium in Regem unctus annis viginti novem post obitum Patris regnavit.

§. XXIII.

Concilium Bituricense.

Gaufelino Archiepiscopo Bituricensi, anno superiore millesimo trigesimo, postquam Sedem hanc annis septendecim tenuisset, fatis functo, & Aimone de gente Dynastarum Burboniorum ipsius Hereditatem obtinente, Concilium primo. 9. p. 864. Novembris anno millesimo trigesimo primo celebratum, cui cum Archiepiscopo interfuere Stephanus Episcopus Aniciensis*, Renco Claromontanus, Raimundus Mimatensis, Æmilius Albigenfis, & Deusdedit Cadurcensis. Superfunt nobis hujus Concilii viginti quinque Canones. In primo præcipitur, ut per omnes Ecclesias his Episcopis subjectas S. Martialis Doctoris Aquitaniæ Nomen non amplius inter Confessores, sed inter Apostolos proponatur, sicut a Romana Sede & a pluribus antiquis Patribus definitum esset. Namque Joannes Papa XIX. miserat de hac re Epistolam ad omnes Episcopos,

* in Actis Vastanensis.

pos, Abbates, aliosque Fideles Galliæ omnes directam, quæ in hac Synodo lecta est. Abhinc biennio, scilicet anno millesimo vigesimo nono simile Decretum pro Apostolatu S. Martialis in Concilio Lemovicensi editum fuerat, & Jordanus illius Sedis Episcopus sub anathematis poena prohibuerat, ne quis in sua Diœcesi hanc quæstionem amplius moveret.

Sæculum XI.
A.C. 1031.

tom. 9. Conc.
p. 687.

In Concilio autem Bituricensi sequentia etiam fuere statuta. Filii illegitimi, præsertim Presbyterorum, aliorumque Clericorum ad Ordines suscipiendos non admittantur, & si in aliquo Ordine sint, ad altiorem non promoveantur. Nullus Servus vel Libertus Clericus fiat, nisi prius a Domino suo plena libertate donatus fuerit. Nemo in die Dominica vel plaustis vel equis vectigalibus ad res transferendas utatur, nisi id magna postulet necessitas. (*) Viri Sæculares ob Bona Ecclesiastica jus Feudi, quod Feudum *Presbyterale* vocant, in Presbyteros non possideant. In eodem Concilio de

c. 8.

c. 9.

c. 21.

com-

(*) Hujus Concilii Canon XX. ita sonat: *Ut nullus filiam Presbyteri, neque Diaconi, neque Subdiaconi, neque uxores eorum in conjugium accipiat, quia detestabile est. Nam & S. Gregorius dixit: Qui Presbyteram in conjugium duxerit, anathema sit. Att. Conc.*

Sæculum XI. compescendis privatis bellis, & pace fir-
A.C. 1031. manda actum.

§. XXIV.

Concilium Lemovicense. S. Martialis.

Feria V. decima octava ejusdem mensis

Novembris anno 1031. Lemovici celebratum est Concilium, cui, Aimone Archiepiscopo præsidente, interfuere Episcopi novem, videlicet illi quinque, qui in Concilio Bituricensi federant, & præterea Jordanus Lemovicensis, Isembertus Pictaviensis, Arnaldus Petricoriensis, Roho Engulismensis. Jordanus Episcopus primæ Sessioni initium dedit, conquestus, quod viri potentes Sæculares Ecclesiam quietam esse non sinerent, pauperes affligerent, & pacis conditiones recipere recusarent. His auditis omnes Episcopi uno ore dixerunt; perturbatores Ecclesiæ Anathematis censura dignos esse. Tunc Odolricus Monasterii S. Martialis Lemovici Abbas, qui juxta Episcopum sedebat, vestibus Sacerdotalibus ornatus, surgens in medio Episcoporum, ait: *Rogo te, venerabilis Episcope! ut priusquam de aliis rebus conferatur, Quæstio de Apostolatu S. Martialis, nam propter hanc causam ego & vos hoc Concilium congregari curavimus, decidatur.* Jordanus Lemovicensis Episcopus addidit: *Cum ista veritas primum a Papa & de-*
inde